

جریدہ علیہ

مشيخت جليله اسلاميه نك جريدہ رسميه بيدر

ذی القعدہ سنہ ۱۳۴۰

عدد ۷۷، ۷۶

شمديلك آيدہ بر نشر اولنور

برنجی سنہ

آرامغه نهدن لزوم کوریلدور . جبريلك انسان صورتنده رسول الله صل الله عليه وسلمه
مثلی هیچ بروجهله محتاج اثبات اولمیان قضایای ضروریه دندر .

سید نسیب



اخلاق سنیه رسالتپناهیدن برنبذه

اکل و شرب رسالتپناهی مناسبتیه جلائل اخلاق نبویه دن بعضیلری بیان اولتور :
اصحاب کرام هر میوه نك ترفنده سنی تبرکاً رسول اکرمه تقدیم ایدرلر ایدی . علیه
صلوة والسلام افندمز بو تقدیمه لردن محظوظ اولورلر ، اصحابنه خیر وبرکتله دعا
یوریرلر ایدی . صاحب سعادت افندمزك بوکی جمیله لره پك بوپوك احسانلرله مقابله
یوردرقلری ده واقعدر . اصحاب کرامدن معوذ بن عفراء ، کریمه سی ربیع ایله برکون
تضور رسالته برطابق ترفنده میوه کوندرمش ایدی . رسول اکرم بوهدیه دن محظوظ
لدیلر . نزد سعادتلرنده بحریندن کوندرلمش اولان برچوق حلیات ، دیگر روایت
ورده آلتون وار ایدی . هدیه تقدیم ایدن ربیعه بوآلتونلردن برآوج احسان بویوردرلر .
سرور عالم افندمز خاکپای رسالتپناهیلرینه تقدیم ایدیلن ترفنده میودلری اولامبارك
وداقلینه بعده کوزلرینه دوغرو کوتوریرلر ، بالعا فیه موسم جدیدی ادرا کلرندن دولایی
الق تعالی و تقدس حضره لرینه بوصورتله وجیهه تحمید و شکرانی ادا ایلدن صوکر : یارب
ن بزه بومیوه نك اولینی کوستردیکک کی آخرینی ده کوستر دییه دعا بویوریرلر ایدی .
ط هنوز کیمسه نك طاعمدینی ترفنده میوه نك تناوانی مروت سنیه لرینه منافی کوردکلرندن
تضور سعادتلرنده چوجوق وارسه چاغیروب سنأ ک کوچکلرندن باشلامق صورتیه آنلره
نسان بویوریرلر ایدی . فخر کائنات افندمز کافه افعال سنیه لری کی و احسان نبویلرنده ده
لق عظیم رسالتپناهیلرینک غایت علوی بر اثر دیگرینی کوسترلر ایدی : شویله که حضور
میلرنده اهل بیت رسالته منسوب صبیان ایله اصحاب کرامک اولادی بولنورسه اولاد
ابهی صبیان اهل بیته تقدیم وترجیح بویوریرلر ایدی .

هر شیده قارشى صخره صما کبی لا قید قالان قلوب قاسیه اربابی احتمال که بوفعل پیغمبریده کی علویتدن متأثر اولمازلر . لیکن خاصه تأثر واذعانندن نصیبه دار اولان ارباب وجدان خلق عظیم پیغمبرینک بویه دقیق ورقیق تجلیاتی کوردکجه مبهوت دکل بلکه غشی اولورلر . بومناسبتله وارد خاطر اولان فقره آتیهدده فیوض پیغمبرینک احباب کرامده تجلی ایدن برصورت دیکریدر : فتوحات متوالیه ایله محیط دائره اسلامی محیر العقول دینه جک مرتبهده توسیع ایتمش اولان فاروق اعظمک زمان خلافتلرنده ، ایران سفرندن سالم و غانماً عودت ایدن مجاهدین کرامدن بعضیلری ایراندن کتیرمش اولدقلری بعضی مأکولاتی خلیفه رسول الله تقدیم ایتمشلر ایدی . فاروق اعظم تقدیم ایدیلن شیلرک پارماق اوجیله طادینه باقدقدن صوکر کتیرنلره خطاباً : بونلر اویله شیلردر که تدارکی ایچون بابا اوغانی ، قاردش قاردشینی اولدیرر . بونلری کوتورک ؛ محارباتده شهید اولان مجاهدینک اولادینه یدیرک : تا که بابالرینک اقتراقیله مرالمذاق اولان ییچاره لرک براز آغزلی طتیلانسون ؛ بویوروب هم شهدای مسلمینک اولادینه قارشى پک بویوک برائر شفقت کوسستمشلر ، همده میل تنم وترفهک منبع شرور ومفاسد اولدیغی احباب کرامه آکلاتمشلردر . عالمده نیجه خودکام ، نیجه نفس پرست کیمسه لر واردر که کندیلرینه بویه نادر ، نادیده برشی تقدیم ایدیلرک اولسه اولاد شهدا شویله دورسون احتمال کندی اوز اولادلرینی بیله خاطر کتیرمزلر . سادات دینک علی الخصوص خلفاء راشدینک کافه سی جداً کائنات ایچون نمونه امثال اوله جق فضائل وجلائل اخلاقیه ایله متصف ایدیلر . رضی الله عنهم اجمعین .

مبحث

صاحب سعادت افندمرک بعض احوال و-ین سنیه لری شمیدییه قدر یازمش اولان مناقب متفرقه نک متممی اولمق اوزره بورایه نقل ایدلدی : رسول اکرم متواصل الاحزان ، دائماً متفکر ، دائماً ساکت ایدیلر . حاجت مس ایتدکجه سوز سوبله مزملر ایدی . سوزی غایت آغیر سوبیلرلر ، کله لرک حقنی ویررلر مهم وملتزم برجهت وارسه ذهنده تقریری ایچون برقاچ کره تکرار ایدرلر ایدی . آذ الفاظ ایله چوق معنی افاده ایلرلر ایدی . سوزلرنده سامعی املا ، مقصدی اشکال ایدرک زیاده یاخود نقصان الفاظ بولونماز

ایدی . وحق صوابدن باشقه برشی سویله منزل ایدی . کیمسه یه جفا ، بر فردی تحقیر ایتزلر ایدی . نه قدر آز اولورسه اولسون نعمته تعظیم ایدرلر ، هیج بر نعمتی ذم یا خود استحقار ایتزلر ایدی . دنیا ایشلری ایچون کیمسه یه دارلمازلر ایدی . یالکز حقه تجاوز ایدیله جک اولورسه غایت بی حضور اولوب غضب ایدرلر ایدی . تجاوز بر طرف ، حق تعمیر وتلافی ایدلمدکجه غضبلی زائل اولماز ایدی . برشیته اشارت ایدله جک اولسه لر ، مبارک پارماقلریله دکل اللرینک تمامیه اشارت بویورلر ایدی . موجب تعجب برشی حادث اولسه مبارک اللرینی تقلید ایدرلر ، انای تکلمده صاغ اللرینک آیه نی صول باش پارماقلرینک ایچ طرفنه خفیفجه اوریرلر ایدی . فرح و سرور آنده بعضاً مبارک کوزلرینی قاپادقلری اولور ایدی . کوله لری تبسم درجه سی کچمز ، انای تبسمده مبارک دیشلری ایجو کی پارلار ایدی .

برینک خانه سی تشریف بویوردقلری ائنده قاپویه استقبال تام ایله متوجه اولوب قاپوی صاغ یا خود صول طرفه الیرلر . ومکرراً سلام ویرلر ایدی .

فراش سعادتلرینه یاتدقلری زمان صاغ اللرینک آیه سی صاغ یاناقلرینک آلتنه قویوب اوله جه اویرلر ایدی . کیجه نک اولنده یاتوب ثلث آخیرنده قالدقارلر ایدی . ذات سعادتلرینه حزن طاری اولسه نمازه دوریرلر ایدی . کوزلر اسملرله تقال ، چرکین اسملری تبدیل بویوربرلردی . ثوب عالیلرینی دیکرلر ، تعلیلرینی تعمیر ایدرلر ، خانه سعادتلرنده ارککلرک کوره بیله جکی هراشی کوریرلر ایدی . حجره نشین عصمت بردختر پاکیزه دن داها اوتانغان ایدیلر . حضور سعادتلرینه شرفیاب دخول اولنانلردن علم و فضل ، صلاح و تقوی صاحبلرینه تقدیماً و ترجیحاً التفات بویوریرلر ایدی . دنیا و آخرته دائر استفسار ایدیلن شیلره جواب ویردکدن صوکر حاضر بالمجلس اولانلر غائبلره بیلدیرسونلر دیرلر ایدی . عجزه رجال ونسادن بالذات کلوب عرض حال ایدمه یئلرک مسئوللری نه ایسه بکا بیلدیرک دییه خواص اصحاب کرامه تنبیه بویوریرلر ایدی . هرکس حضور سعادتلرندن قلبی نور سرور ایله مالی اولدیغی حالده چیقار ، تلقی ایتدیکی ارادات پیغمبری بی حاضر بالمجلس اولیانلره تبلیغ ایلر ایدی .

هر قومک رئیسنه مناسبی وجهله اکرام ایدرلر ایدی . اصحاب کرامدن بعضیسی مجلس شریفلرنده یا خود مسجد نبولرنده کورمسه لر نه اولدیغی سؤال بویوریرلر ، خسته ایسه

عیادتنه کیدرلر، یوله کیتدیه دعا، ارتحال ایتدیه کندیهسی ایچون جناب حقدن طلب
مغفرت ایلرلر ایدی.

امت مسعوده لرینه عائد خصوصاته واقف اولق ایچون اصحاب کراملرینه نه وارنه یوق
هیو سوال بو یوریرلر. دین و دنیا یه عائد کوزل شیرلی تثبیت و تهریر، فنا شیردن هر کس
تغیر و تحذیر ایدرلر ایدی. کافه افعال پیغمبریلری اطراد و اعتدال اوزره اولوب تلون، افراط
و تقریط کبی شوائب تقصدن عاری ایدی. حقه تجاوز، اجرای حقه قصور ایلمز لرایدی.
خواص اصحاب کراملرندن شرف قریه نائل اولانلر، خلقک خیر و منفعتنه چالیشیرلر ایدی.
آنلرک نزد پیغمبریده کی درجه مقبولیتی بو عزیتلرینک درجه سیله متناسب ایدی. مجلس
سعادتلرنده حاضر اولانلرک استعدادینه، مرتبه سینه کوره معامله بو یوریرلر ایدی.
هر کس رسول اکرمک غندنده کندیسندن داها مکرم کیمسه یوق ظن ایدمک درجه ده نائل
التفات اولور ایدی. اصحاب کرامه قازشی معامله سینه لری پدران ایدی. مجلس رسالتیناهی لری
علم و حیا، صبر و امانت مجلسی ایدی. اوراده کیمسه یوکسک سسله تکلم ایتمز هر کس
صوت پیغمبریدن دون برصوت ایله سوز سویلر ایدی. حضور سعادتلرنده بر فردک
عیبی سویلنمز، بر کیمسه یه اسناد تهمت ایدلمز ایدی. یارین ایچون بر شی صاقلامازلر،
یره اوتوریرلر، یرده یمک یرلر، بر کوله طرفندن آربه اتمکی تناولنه دعوت ایدلسه لر
احابیت بو یوریرلر ایدی. آرز بیه اولسه دواملی ایشی چوق سورلر ایدی. بر کیمسه دن
مفارقت بو یوره جقلری انشاده الی طوتازلر، او کیمسه الی چکینجه یه قدر اللری
چکمزلر ایدی.

فرید



۷۴، ۷۵: نسخه نك مابعدی

(منابع ذنوب)

انسائلك وقوعيله كناهكار صايلا جقلری شينلرك منبع ومولدى اولان اساسلر
خطرت انسانده مركوز دوت صفتدركه بو صقلر (مثار ذنوب) ناميله ياد اولمشدر.
يونلردن هر برى ترتيب وتدریج ايله ديكرينه اجراى تاثير ايلكله برابر بشقه بشقه آثار
ميدانه كتير ومهلك انسانيت بر چوق ذممه ورزيله لره باعث اولور. بونلر آرى آرى